

Bosna i Hercegovina
Federacija Bosne i Hercegovine
Tuzlanski kanton
Općina Teočak
Općinski načelnik
Broj: 02-11-580-9/26
Teočak, 07.05.2026. godine

Na osnovu člana 64. stav (1) tačka b) i člana 70. Zakona o javnim nabavkama („Službeni glasnik BiH“ broj: 39/14, 59/22 i 50/24), Pravilnika o javnim nabavkama roba, usluga i radova u općini Teočak („Službeni bilten općine Teočak“ broj: 05/23) i člana 43. Statuta Općine Teočak („Službeni bilten općine Teočak“ broj: 5/08, 2/12 i 1/22), a na Preporuku Komisije za javne nabavke Općinski načelnik d o n o s i:

ODLUKU

o rezultatima okončanog postupka javne nabavke i izboru najpovoljnijeg ponuđača
za LOT 3- Izrada glavnog projekta rehabilitacije i sanacije lokalne ceste
u Starom Teočaku na potezu Terzikuša-most na rijeci Tavni

Član 1.

Prihvata se preporuka Komisije za javne nabavke iz Zapisnika o pregledu i ocjeni ponuda broj: 02-11-580-7/26 zaključenog dana 06.05.2026. godine, Ugovor za nabavku usluge izrade glavnih projekata rehabilitacije i sanacije mostova i lokalne ceste i to za **LOT 3-** Izrada glavnog projekta rehabilitacije i sanacije lokalne ceste u Starom Teočaku na potezu Terzikuša-most na rijeci Tavni dodjeljuje se najpovoljnijem ponuđaču „EDI-ING“ doo Donji Vakuf, za ponuđenu cijenu od **3.250,00 KM** bez PDV-a po ponudi broj: 01-29-P/26 od 29.04.2026. godine. Ukupna vrijednost s obračunatim PDV-om iznosi **3.802,50 KM**.

Član 2.

Prijedlog Ugovora dostavit će se na potpis izabranom ponuđaču na adresu „EDI-ING“ doo Donji Vakuf, ulica 705. Slavne brdske brigade br. 13; 70220 Donji Vakuf.

Član 3.

Izabrani ponuđač je dužan u roku od 5 (pet) dana od dana zaprimanja ove Odluke, na adresu Općine Teočak, Centar bb, 75414 Teočak ili lično na Protokol Općine, dostaviti originale ili ovjerne kopije dokaza o činjenicama navedenim u Izjavi iz člana 45. Zakona o javnim nabavkama BiH.

Član 4.

Za izvršenje ove odluke zadužuje se Služba za privredu, finansije, prostorno uređenje i civilnu zaštitu općine Teočak.

Član 5.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke shodno članu 71. stav (2) Zakona o javnim nabavkama i bit će objavljena na web stranici općine www.teocak.gov.ba.

Obrazloženje

Postupak javne nabavke pokrenut je Odlukom o pokretanju postupka javne nabavke broj 02-11-580-1/26 od 03.04.2026. godine. Javna nabavka je provedena putem otvorenog postupka i bila je podijeljena na lotove. Procijenjena vrijednost javne nabavke je bila 13.000,00 KM bez PDV-a, a procijenjena vrijednost za LOT3 je iznosila 4.000,00 KM bez PDV-a.

Komisija za javnu nabavku je dana 06.05.2026. godine dostavila Ugovornom organu Zapisnik o otvaranju ponuda broj: 02-11-580-6/25 i Zapisnik o pregledu i ocjeni ponuda sa preporukama za poništenje i za izbor najpovoljnijeg ponuđača broj 02-11-580-7/26 zaključen dana 06.05.2026. godine u postupku javne nabavke usluga izrade glavnih projekata rehabilitacije i sanacije mostova i lokalne ceste.

U postupku utvrđeno je da je Komisija za javnu nabavku blagovremeno i pravilno izvršila otvaranje i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- ukupan broj pristiglih ponuda je 2 (dvije) ponude i to od ponuđača: EDI ING doo Donji Vakuf i Institut za građevinarstvo „IG“ doo Banja Luka;
- da je blagovremeno zaprimljeno 2 (dvije) ponude i to od ponuđača: EDI ING doo Donji Vakuf i Institut za građevinarstvo „IG“ doo Banja Luka;
- da nije bilo neblagovremeno zaprimljenih ponuda;

Oba ponuđača su dostavila ponudu samo za LOT 3. Prilikom analize ponuda vezano za ispunjavanje zahtjeva iz opisa predmeta nabavke i tehničkih specifikacija, komisija je utvrdila da su ponude od oba ponuđača prihvatljive, jer ispunjavaju sve uslove iz tenderske dokumentacije. Vrijednost prihvatljivih ponuda za LOT 3 bez PDV-a su sljedeće: ponuđač „EDI- ING“ doo je dostavio ponudu po cijeni od 3.250,00 KM bez PDV-a, a ponuđač Institut za građevinarstvo „IG“ doo je dostavio ponudu ukupne vrijednosti 3.500,00 KM bez PDV-a. Za navedeni postupak javne nabavke nije bila predviđena e-aukcija, a kriterij za ocjenu ponuda je najniža cijena.

Vrijednost najpovoljnije ponude po ocjeni komisije iznosi 3.250,00 KM za LOT 3, što je niže od procijenjene vrijednosti po LOT-u, te je Komisija putem Zapisnika o pregledu i ocjeni ponuda preporučila donošenje Odluke o okončanju postupka javne nabavke i izbora najpovoljnijeg ponuđača i da se ugovor dodijeli ponuđaču „EDI-ING“ doo Donji Vakuf za navedeni LOT.

U postupku donošenja ove Odluke posebno su cijenjene činjenice da je Komisija pravilno i potpuno izvršila ocjenu kvalificiranosti ponuđača i ocjenu prispjelih ponuda, shodno kriterijima iz tenderske dokumentacije. U postupku ocjene provedenog postupka, ugovorni organ Općina Teočak – Općinski načelnik nije našao razloge nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavku.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, Pravilnikom o javnim nabavkama i tenderskom dokumentacijom.

Iz navedenih razloga, primjenom člana 64. stava (1) najniža cijena ponude Zakona o javnim nabavkama, odlučeno je kao u članu 1. ove Odluke.

Pouka o pravnom lijeku

Protiv ove odluke može se izjaviti žalba, najkasnije u roku od 10 (deset) dana od dana prijema ove odluke.

Dostavljeno:

- Ponuđačima
- a/a



Općinski načelnik

Tajib Muminović